

*Ex Jefe di Censo a bira Vice Presidente di Consejo Supremo Electoral*

# Alrededor di 43 mil Arubiano lo por vota na Januari

**\*\*Cada partido lo mester di casi 400 persona pa sostene nan lista**

**\*\*Servicio Postal mester atende carchinan den cayente di fin di año**

ORANJESTAD(AAN)--

Ley ta papia di e areglonan legal. Di e cantidad di diano entre cada paso cu mester worde tuma. Ley ta papia tambe di tur loke mester socede. Ehecucion di e tareanan ta den man di Oficina di Censo, cu ta haci e labornan necesario pa dia 6 di Januari 1989 Pueblo di Aruba por expresa su mes na urna electoral. "Nos mester alcanza e obhetivo", E Jefe di Censo, señor Pablo ta splica DIARIO.

Despues di cumpli cu e labornan diario, cu mester continua na e Oficina di Censo, oficialmente conoci como Bureau Burgerlijke Stand en Bevolkingsregister, empleadonan atardi y anochi ta regresa oficina pa prepara pa eleccion por tuma lugar dia 6 di Januari 1989, manera a keda decreta.

A base di e Leynan cu ta regla eleccion pa e pais Aruba, nan mester percura pa tur cos ta cla pa ariba e fecha estipula Arubianonan por cumpli cu nan derecho di voto. Un caminda basta intenso y extenso mester worde sigui pa por realiza tur labor necesario for di e momento cu dia 18 di October 1988, e registro pa vota, esta e Kiesregister, a worde cera.

## ESUN CU YEGA ARUBA AWOR NO POR VOTA MAS

Ciere di e Kiesregister ta significa, cu esun cu tabata na Aruba di 18 di October 1988 tin derecho pa vota dia 6 di Januari proximo.

Esey ta encera, cu esnan cu a y lo yega Aruba despues di 18 di October, no por participa na eleccion 1989 mas. Oficina di Censo mester percura pa cumplimiento di e clausula aki y asina tene cuenta cu esnan cu

**Na momento cu eleccionnan nobo a keda decreta, e maquina a cuminsa drenta den operacion. Centro di actividadnan pa eleccion por tuma lugar ta Oficina di Censo, cu den overtime ta haci e trabao. Hopi cos mester socede promer cu 43 Mil Arubiano aproximadamente acudi na urna electoral dia 6 di Januari.**

tabata na Aruba pa tal fecha.

Un clausula cu ta haci, cu esun cu establece su mes na Aruba despues awor, y ta cumpli cu tur otro rekisito pa vota, no por haci uso di e derecho di voto. Ciere di e Kiesregister ta tambe e luz berde pa cuminsa prepara e lista di personanan cu lo bay urna electoral na Januari.

## REGISTRO ELECTORAL TA WORDE REVISA

Mientras publicamente ta anuncia na esnan cu kier participa activamente na eleccion, esta partidonan politico, di cierto fechanan y asuntunan cu nan mester atene nan mes, Oficina di Censo a cuminsa cu e labor di mas pisa, esta di pone e registro electoral na orden.

Cu otro palabra ta revisa e registro, cu ta duna un vista di tur e votadornan cu tabata tin y esnan cu awor mester worde geschrap for di e lista y esnan cu a bini acerca. Ora ta papia di revision mester pensa por ehemplo den direccion di esnan cu a bay establece den exterior o a fayece despues di ultimo eleccion. Personanan, cu lo no aparece awor den e Registro Electoral.

Di otro banda un cantidad di persona lo worde añadi na e lista. Esnan cu a establece nan mes na Aruba y ta cumpli cu otro rekisitonan y esnan cu a alcanza e edad cu ta permiti nan bay vota.

Mientras awor e revision ta tuma lugar ta dificil pa bisa cuanto hende lo haci uso di

derecho di voto, manera señor Pablo ta splica. Ta worde spera

cu alrededor di 43 Mil persona lo por acudi na urna electoral

dia 6 di Januari 1989 pa asina dicidi encunto futuro gubernacion di Aruba.

**CAARCHINAN  
PA VOTA LO  
CRUZA CAARCHINAN  
DI PASCO**

Hunto cu e Centro pa Com-  
*Sigui lesa pag. 16*